

春秋屬辭辨例編

春秋屬辭辨例編卷五目錄

晉楚爭盟交兵

晉悼之世

晉悼總論

晉平之世

後論

會吳梁傳載齊高厚事辨會夷儀不書伐齊辨齊同盟重邱辨會宋傳事辨經

改先晉辨

會虢不書盟辨

會申貶諸侯不殊淮夷辨

晉昭之世

後論

晉伯餘燼

後論

會黃父無貶辨會召陵書侵陋之辨

春秋屬辭辨例編卷五

錢唐張應昌學

○晉楚爭盟交兵

晉悼之世

成十八年夏楚子鄭伯伐宋宋魚石復入于彭城

左鄭伯會楚子伐宋取朝郟楚子辛鄭皇辰侵城郛取幽邱同
伐彭城納宋魚石向爲人鱗朱向帶魚府焉以三百乘戍之而
還宋人患之西鉏吾曰若楚人與吾同惡吾固事之不敢貳矣
不然而收吾憎使贊其政以聞吾鬻亦吾患也今將崇諸侯之
姦而披其地以塞夷庚逞姦而攜服毒諸侯而懼吳晉吾庸多
矣非吾憂也杜注夷庚吳晉往來之要道○楚取彭城置宋亡臣而戍之塞
吳晉交通之路余光存侯○此楚子取宋彭城子魚石也不與楚子
取彭城以與宋叛臣故以自入爲文孫復尊王殺微

又 冬楚人鄭人侵宋

左子重救彭城伐宋朱華元如晉告急韓獻子曰成伯安彊自
宋始矣晉侯師於台谷以救宋楚師還○齊桓霸業始於平宋
亂晉文霸業始於釋宋圍悼公霸業又始於彭城之救宋故曰
成伯安彊自宋始矣前楚鄭稱爵而書伐今楚鄭稱人而書侵
晉勢漸盛而楚勢漸衰矣李廉會通○悼公一出師而楚師還異於
楚師至而諸侯亟還者矣汪克寬纂疏

又 仲孫蔑會晉侯宋公衛侯邾子齊崔杼同盟于虛打

左謀救宋也宋辭諸侯而請師以圍彭城○諸侯師至楚師已
退故宋人辭諸侯而請其師以圍彭城而先爲此盟高閔集注○悼
公卽位之初宋以楚鄭之侵告急義當救也而吾國之禍變甫
定列國之趨向未一於是遣使乞師以示兵不輕舉而致其謙

盟于虛打以觀人心之向背而一其趨

洪咨夔春秋說

○謀救宋知義

矣晉侯親出有勇矣不奪魯喪得禮矣

御纂直解

○悼初立即為

此盟以討宋叛臣此諸侯所以服而晉伯所以復興

張自超宗朱辨義

襄元年春仲孫蔑會晉欒黶宋華元衛甯殖曹人莒人邾人滕人

圍宋彭城

左圍宋彭城為宋討魚石彭城降晉晉人以宋五大夫在彭城

者歸齊人不會彭城晉以為討齊太子光為質於晉○伐叛討

逆霸主之事悼公首合諸侯之大夫為宋圍彭城討魚石得其

職矣宜列國和會願奉其役也

趙騶飛經筵

○晉悼初政勵精韓厥

當國善謀冬會虛打春圍彭城北方積衰之勢賴此復振

黃正憲翼

附

○五大夫據彭城吳晉之路絕而晉勢孤且以窺宋而東諸

侯危矣今彭城降五大夫執拒楚固宋通吳而楚不振功豈尋

常哉

姜炳璋讀左補義

○宜執魚石界宋戮之則法嚴義正矣乃以五

大夫歸置之郕邱但書圍宋彭城爲晉悼惜也

張自超宗朱辨義

又

夏晉韓厥帥師伐鄭仲孫蔑會齊崔杼曹人邾人次于郕

左伐鄭入其郛敗其徒兵於柏上東諸侯之師次于郕晉師自

鄭以郕之師侵楚焦夷及陳○鄭從荆蠻而助叛臣晉悼既禽

五大夫於是伐鄭討其從楚納魚石之罪

汪克寬纂疏

○首伐彭城

以伸君臣之義次卽伐鄭以正夷夏之防

賀仲軒疏義

○次郕以備

楚也楚不出則一韓厥足以制鄭楚至則五國之師固在焉故

書次謹於用諸侯而厚以禦楚且不輕殘鄭也齊杞前不與圍

後至也宋衛莒滕薛今不與次先歸也

御纂直解

○晉既討魚石

卽興師伐鄭之師意不欲再煩諸侯而五國大夫則出師次郕

以俟命

張自超宗朱辨義

○按郕當作郕乃鄭地非郕國見地名門

又 秋楚公子壬夫帥師侵宋

左楚子辛救鄭侵宋呂留鄭子然侵宋取犬邱○楚攻晉所救也而諸侯之師不動則有以量楚力之所至矣

呂本中集解引許翰○晉

既降彭城問鄭從楚之罪而楚不敢出師以與晉敵但爲侵宋解鄭之常策知其無能爲矣

張自超宗朱辨義

襄二年春鄭師伐宋

左楚令也

又 夏晉師宋師衛甯殖侵鄭

左鄭成公疾子駟請息肩於晉公曰楚君以鄭故親集矢于其目非異人任寡人也若背之是棄力與言其誰曜我秋鄭伯論卒晉師侵鄭諸大夫欲從晉子駟曰官命未改○說見爭鄭門

又 秋仲孫蔑會晉荀罃五國大夫于戚

左謀鄭故也孟獻子曰請城虎牢以偪鄭

知武子冬復會九國大夫于戚遂城虎牢左鄭人乃成

說見晉楚爭鄭。鄭方堅于從楚城虎牢所以扼鄭之吭使之

不得南向也。攘楚服鄭關天下之大計。彙纂○爭地勢而不爭

野戰此悼公最得要領處功高桓文遠矣。顧棟高○顧氏說又

見後晉悼總論

襄三年春楚公子嬰齊帥師伐吳

晉有事于狄而楚以爭中夏楚有事于吳而晉以服陳鄭此見

諸行事之著明者也。方苞直解○張氏說見吳楚交兵門

又 夏公及晉侯盟于長櫟

晉悼之立書來聘二此復出國都盟公皆以禮先諸侯。高樹然釋經

又 夏公會單子晉侯宋公衛侯鄭伯莒子邾子齊世子光同

盟于雞澤。左晉為鄭服故且欲修吳好陳侯使袁僑如會叔孫豹

六月同盟逆吳子吳子不至

及諸侯之大夫及陳袁僑盟

左陳諸服也

悼之霸在得陳得鄭陳鄭即楚久矣一與虎牢之役隻矢不遺

而鄭來歸陳觀鄭之歸而亦從於會一會得二叛國偉矣

趙經飛經

荃

○自鄭背戚盟凡四伐鄭再侵鄭不能服鄭今城虎牢而鄭

從會陳雖與楚不待徵召亦如會從盟書以見中國威力之盛

也

李明復集義引謝混

○鄭服也昔屢伐不至今不召自來何哉政教修

明六卿和睦內治矣圍彭城義昭矣城虎牢謀得矣謀得則勢

定義昭則人服內治則外從也鄭君先至諸侯既盟之陳臣後

來使大夫與盟慰初附之心別君臣之分晉侯其適於情而明

於禮哉

御纂直解

○此會悼公有三意一是鄭已服不可不會鄭

伯一是欲修吳好故待吳子一是恐齊貳心故會齊觀士句告

齊之言曰願與一二兄弟相見以謀不協可見也

姜炳璋讀左補義

又 冬晉荀罃帥師伐許

左許事楚不食于雞澤故○晉得陳鄭而許猶比楚故伐之然

許為鄭所虐遷于葉逼近於楚必不能叛楚而事晉也趙鵬飛經筵

○荀罃不能輔悼修德以保陳陳固則許何患其不來今遽帥

師問罪於許宜其并陳不能保也張洽集注○責許不會雞澤也晉

果服楚許將焉往乃以鄭陳偶服遂侈然求多於許宜不得許

也御纂直解○既得陳鄭即用兵於久不內屬之許而許卒不服

張氏責其規模欲速并陳不能保者是已張自超宗朱辨義

襄五年夏仲孫蔑衛孫林父會吳于善道左吳子辭不會雞澤之

為之合諸侯使魯衛先會吳秋公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚左會吳且命成陳

晉楚爭衡權之在吳故晉急吳如此張洽集注引許翰○晉將邀吳為

戚之會而魯衛近吳且俱同姓故命以通好懲前此吳子之不

至也

姜寶事義全考

○前此吳再不至今晉將爲之合諸侯使魯衛先

告會期善道吳地往會之也前殊會往會也此列會吳來也前

稱吳其君也此書人其大夫也奔走天下以會吳非計矣陳侯

至而言楚患故命成陳也

御纂直解

○夫勾吳亦一荆蠻耳又皆

僭王中國不能抗吳楚而爲和吳敵楚之計成十五年旣以七

大夫往而爲鍾離之會茲又以魯衛之大夫往而爲善道之會

吳子卒不自來而使大夫來會于戚以抗諸侯豈非中國之屈

於勾吳哉晉前失於不和內助諸侯之秦後失於和內抗諸侯

之吳至於黃池爭盟幾主中夏矣

張自超宗朱辨義

又 冬成陳楚公子貞帥師伐陳公會晉侯宋公衛侯鄭伯曹

伯齊世子光救陳

左楚子囊爲令尹范宣子曰楚必疾討陳陳近於楚有陳非吾事也無之而後可冬諸侯戍陳子囊伐陳十一月會于城棣以救之○見晉楚爭陳門書戍門

襄七年冬楚公子貞帥師圍陳十二月公會晉侯宋公陳侯衛侯

曹伯莒子邾子于鄆

左會鄆以救之杜注陳侯逃歸不成故不書救陳也

鄭伯髡頑如會

未見諸侯卒于鄆陳侯逃歸

左陳人患楚使楚執公子黃告陳侯于會陳侯逃歸

楚圍陳而陳侯亦列於會者蓋圍之不密得以出會求救也陳

侯逃歸陳遂屬楚諸侯不與楚戰各自罷歸不成爲救故會爲

不書救

孔疏

○汪氏李氏說彙纂案見晉楚爭陳○陳圍三月矣

陳侯冒圍而來乃徐徐爲會乎是不急陳徒質陳侯以要陳耳

悼承厲亂故初年勵精今諸侯睦矣故憚於敵楚而懷安一念

白足業由此嚮惜哉

御纂直解

○楚子十月圍陳至十二月陳侯

於圍城之中出而告急而晉無意救徒留陳侯會鄆以待諸侯
之師夫城鄭救鄭戍陳救陳亦無多事而必藉諸侯之師是以
楚圍之急陳人大恐陳侯乃逃歸毛奇齡傳○陳自此後至晉楚分
伯而始與宋號之會陳固堅事楚而晉亦不復急陳矣卒以內
亂爲楚所滅終春秋之世不復列於中國諸侯亦可惜矣齊桓
會首止而鄭伯逃誘於楚也晉悼救陳而陳侯逃休於楚也蓋
陳有戒心於前卽晉之危不若卽楚之安也張自超宗朱辨義○陳蔡
爲楚偪鄭之要路楚所必爭而二國睚楚者彼豈不知尊王從
伯之爲美哉以密邇於楚中原大國不足以庇之也自蔡哀虜
於楚爲楚屬國齊桓盟會陳在而蔡不至晉文溫及翟泉陳蔡
皆與稱極盛焉襄靈而還蔡多從楚而陳則屬晉迨微舒弑君
晉不能討楚莊遂納二兇而陳之從楚者垂二十八年是失蔡

又失陳矣悼公繼霸陳侯來歸正服陳招蔡之機也蔡既不至
陳又逃歸自是陳蔡皆爲楚用此霸功之歷世遞降者也

義左補

義左補

襄八年夏季孫宿會晉侯鄭伯齊人宋人衛人邾人于邢邱

左會于邢邱以命朝聘之數使諸侯之大夫聽命季孫宿齊高
厚宋向戌衛甯殖邾大夫會之鄭伯獻捷於會故親聽命○時

公在晉晉悼難勞諸侯惟使大夫聽命故季孫在會而公先歸

注

○昭三年鄭子太叔云文襄之霸令諸侯三歲而聘五歲而

朝自襄以後晉德少衰諸侯朝聘無復定準今晉悼復霸更合

諸侯故公朝晉而稟其多少如公朝者蓋亦非一晉侯謙不敢

在國約束出外合之亦難煩諸侯使大夫聽命

疏

○悼公盟虛

打首以仲孫蔑崔杼則乎其間繼會雞澤又以諸侯之大夫盟

陳袁僑今會邢邱且曰重煩諸侯而使大夫聽命則諸侯失政

實悼公爲之汪克寬纂疏○使大夫聽命不欲勞諸侯也胡傳謂晉

侯姑息愛人而委政於臣下自後大夫各專其國此防微之論

也葉集○賀養敬曰齊桓官受方物是朝聘天子之數非自利

之也晉以強力挾諸侯使職貢歸於己不知始自何年觀於子

產爭承及女叔侯所謂職貢不乏玩好時至者其爲諸侯病久

矣悼公辭諸侯而使大夫聽命當有不安於心者康侯乃責諸

侯之不親會誤矣姜炳璋讀左補義○餘見內大夫會盟諸侯門

又 冬楚公子貞帥師伐鄭

左討其侵蔡鄭及楚平○此鄭又從楚之始○得陳又爭鄭也

向使救陳楚師焉得至鄭哉救陳則兩得也不救遂兩失矣據

傳楚師至而鄭平蓋招楚以從楚鄭之本謀也直解

襄九年冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭同盟于戲

左諸侯圍鄭鄭人行成中行獻子曰遂圍之以待楚人之救而與之戰知武子曰許之盟而還師以敝楚人吾三分四軍與諸侯之銳以逆來者於我未病楚不能矣猶愈於戰乃許鄭成

詳見

爭鄭門

○又晉侯歸謀所以息民從魏絳請施舍行之期年國乃

有節三駕而楚不能與爭○善爲國者不師善師者不陣善陣者不戰知武子佐晉悼公屢與諸侯伐鄭不與楚戰楚師遂屈得善勝之道矣

胡傳

○齊桓之時在於服楚晉文之時在於勝楚

晉悼之時在於敝楚召陵以前楚始加兵於鄭及次陘之伐屈完來盟而鄭無楚患矣城濮之前楚滅黃而霸主不能恤敗徐而諸大夫不能救執盟主而在會者不敢與之爭既又戍穀逼

齊合兵圍宋威動天下及得臣敗績而楚乃懾服矣迨夫晉師敗邲之後楚復陵駕北方縣陳入鄭滅蕭圍宋蜀之會以大夫主盟諸侯而聽命者十一國卒之保鄭以爲已有厲公敗之於鄢陵三假王命以伐鄭而終不服悼公復伯鄭與於五會之信而猶叛焉悼公欲直擣方城漢水之境繼齊桓帖荆之績則楚寢強盛未肯服義也欲與之決勝復文公館穀之捷則暴骨以逞克不可命也於是數伐鄭不與楚戰使楚人疲於奔命而莫能爭挫其暴狠之鋒摧其憑陵之志桓文以降於斯爲盛

汪克
寬纂

疏○晉悼服鄭之謀在敝楚故盟戲盟亳北以致楚伐戍虎牢

以致楚救皆所以敝之也使鄭不與盟諸侯遽歸則楚師可不

出而謀誦矣故知二盟皆有鄭在

從左
傳

有鄭而不更目鄭伯緣

上伐鄭文也觀蕭魚之會不目鄭伯其證也柯陵如之此盟繼

書楚伐亦鄭與盟之證

高澗然釋經

○李氏說見晉楚爭鄭

又 楚子伐鄭

左子駟及楚平

襄十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤 夏遂滅偃陽

左會吳子壽夢也夏四月戊午會于柤荀偃士臼請伐偃陽而封宋向戌焉諸侯之師久于偃陽五月甲午滅之書曰遂滅偃陽言自會也以與向戌向戌辭乃與宋公○晉合十二國會吳於楚地謀楚也謀制楚以服鄭也晉楚爭鄭久矣九年鄭同戲之盟而復叛以楚兵逼之也楚兵不出則鄭可久安故會吳於楚地以示晉已得吳吳將援晉而掎楚楚出兵議鄭則恐吳襲其後而不敢然後晉得以服鄭鄭得以從晉而無楚患也故蕭

魚之後楚不伐鄭鄭不叛晉者二十年

彙纂趙鵬飛卓爾康

○荆楚地大

人悍專與伯爭諸侯能敵之者齊晉秦三大國齊自桓公之後國亂君弱不敢伐楚秦以殺函讎晉連歲構師反與楚合晉獨力制楚而秦又乘之楚無懼志也吳居楚肘腋之下盛氣方厲巫臣啓謀楚疲奔命鳩茲庸浦之閒于戈日見晉一通吳吳益致銳於楚師不出則擾其旁出則議其後楚畏吳偪無暇與晉校晉始得以服鄭息鄰睦交而坐享霸功是故晉三會吳專以楚故權事濟變非得已也晉文之時能克楚者齊秦而樂爲晉用文公因之集二國之師於城濮一戰而勝晉悼之時能克楚者吳而未必卽爲晉用悼公惟招之同會不用吳師而楚自屈此悼公之知權也

張溥列國論

○是時能制楚者吳悼公于善道于

戚于相其申好不一而足此卽齊桓遠結江黃之遺智也吳亦

未嘗亡一矢遺一鏃此卽江黃按兵不動適相犄角之遺智也

陳際泰五經讀○以偃陽爲晉吳往來之衝故滅之以通吳乎然非義

矣書以罪之御纂直解○晉悼之時楚氛方熾合諸侯以攘之猶

懼不足集事故通吳爲犄角之勢及鄭服之後晉不復恃吳矣

故向之會因吳伐楚喪范宣子退之蓋用吳而不肯爲吳用晉

君臣早有成算說者必以會吳爲悼公伯業之累不亦過乎案

○滅偃陽通吳晉之道也其地近祖故於會祖爲繼事高澍然釋

○通道而不能懷柔鎮撫之乃滅人之國書遂滅偃陽於會

祖之下不能爲晉悼解矣齊桓滅譚滅遂降鄆遷陽晉文執曹

伯逐衛侯霸者大抵如此故曰三王之罪人姓舜牧疑問○桓文會

盟侵伐小國皆不與晉自厲悼以後會者滋多霸者之德衰中

夏之力屈皆可見方苞直解○靈成之世晉不敢敵楚懼秦伺其西

也蕭魚之後楚不敢爭鄭懼吳乘其後也又

又 夏楚公子貞鄭公孫輒帥師伐宋

左楚子囊鄭子耳伐宋圍宋門於桐門

又 秋公會晉侯宋公衛侯曹伯莒子邾子齊世子光滕子薛

伯杞伯小邾子伐鄭

為伐宋故

戊鄭虎牢楚公子貞帥師救鄭

此三駕之一

左鄭及晉平楚救鄭子蟜與楚人盟○城虎牢而不戍何貴乎

城戍之所以庇鄭抗楚三駕之績實本於此

案纂

○虎牢之城

先識地勢扼鄭咽喉自戲盟之後三分四軍以待來者是故楚

疲晉逸而不可爭

卓爾康辨義

○晉悼爭鄭盟雞澤而鄭服盟戲而

鄭再服然雞澤之盟猶守六年戲之盟不逾年而即背鄭固不

足信矣悼於是一駕不已而再再駕不已而三振旅以來不戰

而退逾時歷歲卒會蕭魚其道用柔雖以楚之強而為其所制

矣漸進齊光於小侯之上者方在治楚不可失齊不特不忿怒於齊侯之不至而且尊異其世子之肯來蓋純乎用柔者也張

超宗朱辨義○陳氏嚴氏直解說見晉楚爭鄭

襄十一年夏鄭公孫舍之帥師侵宋公會晉侯宋公衛侯曹伯齊世子光莒子邾子滕子薛伯杞伯小邾子伐鄭秋同盟于亳城北此三駕之二

左圍鄭鄭人懼行成七月同盟于亳詳見爭鄭門

又 秋楚子鄭伯伐宋公會晉侯等同上伐鄭會于蕭魚此三駕之二

左鄭人行成告絕於楚詳見爭鄭門○三駕止此八年九合亦止此

晉之制楚者三文公以力勝厲公以幸勝悼公以善勝不以盟誓為信不以威力為武所謂善勝也庶幾召陵之不戰乎伐楚盟召陵伐鄭會蕭魚皆序績之文也李廉會通○齊桓霸業至葵邱

而盛束牲載書而不敵血諸侯咸喻桓公之志晉悼伯業至蕭

魚而盛悼公信鄭不疑不復同盟而鄭自此不叛蓋要之以信

而強從不若待之以誠而自服也

注克寬纂疏

○晉楚爭鄭數年晉

用知罃之謀但聲言伐鄭而未嘗加兵於楚使楚自不能應勢

窮力屈知義之不可敵而不敢抗也

姚舜牧疑問

○晉悼之強入卿

之睦楚子囊所謂事之而後可者與楚決戰豈不有以勝之而

悼以誠感未嘗戰楚并未嘗戰鄭初師於牛首繼觀兵於向卒

觀兵於東門合十三國之師未折一矢不戕一人而楚斂兵不

敢爭鄭鄭之服晉不貳者二十四年其功偉矣必以戰勝爲功

非春秋之義也

姜炳璋讀左補義

○襄十八年至二十六年楚三伐鄭

在悼公已卒之後而卒不得志以蕭魚之烈尙在也其明年趙

武聽弭兵之說天下諸侯俱朝楚於是晉楚之交兵息而伯業

終矣

顧棟高
大事表

○呂氏說見後晉悼總論胡氏趙氏說見晉楚爭

鄭汪氏說又見上同盟于戲○參看會盟變文門○又參看下

文書楚執鄭良霄書執門晉楚爭鄭門高許汪季諸說

又

楚人執鄭行人良霄

傳說見晉楚爭鄭門

襄十二年冬楚公子貞帥師侵宋

報晉之
取鄭

著楚之無能爲也

李廉
會通

○齊桓會葵邱之明年書楚人滅弦晉

悼會蕭魚之明年書楚公子侵宋皆無害於兩公之伯一以著

楚之強項終不服善一以著楚之計窮力竭也

張自超宗
朱辨義

襄十四年春季孫宿叔老會晉士匄齊人宋人衛人鄭公孫蒍曹

人莒人邾人滕人薛人杞人小邾人會吳于向

晉會吳
止此

左吳告敗于晉會于向爲吳謀楚故也范宣子數吳之不德以

退吳人

去年楚其王卒吳乘喪侵楚楚大敗吳師

○吳者楚之仇讐而中國之聲援

也故中國得吳可以鉗楚之暴而吳楚交橫則中國益衰然則

晉凡三會強吳進不與之結盟退不與之攻伐特爲會以禮之

誠得權時之宜

沈紫比事

○纂纂案見上會相○魯以二卿會晉而

晉列二卿於會晉魯俱失禮矣且自蕭魚而後凡役皆大夫悼

公之怠而伯業之衰也

汪克寬纂疏

○傳載范宣子數駒支之語曰

諸侯之事我寡君不如昔者言語漏洩職女之由此皆不實也

諸侯解體非此戎之過何以誣之哉況去年蒐于綿上傳曰晉

國大和諸侯遂睦祇隔一年何故遽有言語漏洩不如昔者之

事邪又曰宣子辭焉使卽事於會則是姜戎列於會矣經何以

不序乎

劉敞權衡

○吳旣告敗晉爲之合諸侯以謀楚是將以援吳

則安得復數其不德而退之乎此蓋後不見諸侯伐楚故妄云

爾此自好會非謀楚也務婁執於會不應不見於經杜預謂不
書非卿然則齊人執鄭詹豈卿乎戎子得與會亦當見經杜預
謂不書爲晉屬不得特達然則晉人及姜戎敗秦師于殽何以
書乎葉夢得左傳識○左氏謂爲吳謀楚然吳在向而晉率著侯之大

夫往會之是晉有求於吳非吳有求於晉也故疑左氏所載非
其實吳澄纂言○家氏曰自是吳雖與晉疎然其於楚也兵連已久

勢不得爲之下更勝迭負四十五年楚無一日之甯居晉所以
服鄭而楚不能與之爭者實陰受吳之賜愚按傳稱數吳而經
書會吳傳稱執莒公子務婁而經書莒會傳稱將執戎子駒支
范宣子辭焉使卽事於會而經不書戎會此皆當以經爲正玉
闕疑○餘見殊會門大夫會盟門內卿並會門吳晉爭盟門

又 夏叔孫豹會晉荀偃齊人宋人衛北宮括鄭公孫蒍曹人

莒人邾人滕人薛人杞人小邾人伐秦

左傳見秦晉交兵門。○自文公以來合諸侯之師未有若是之

衆也。然以十三國之重兵徒以煩民功績蔑有將帥不和威德

兩弛晉侯待於竟上視若贅旒晉之衰由悼公之怠也。高閭集注汪克

寬纂疏○諸侯之大夫從晉侯伐秦而悼不自將諸侯之師及涇

不濟荀偃樂懸二師爭而大還晉人謂之遷延之役則君令不

行於大夫矣。陳傳良後傳○晉悼用十年之力率諸侯爭鄭於楚而

又率之伐秦其勞諸侯而敝中國甚矣蓋荀偃有櫟之敗至是

荀偃欲刷前恥佐強梗之大夫率之而不能進鼓之而不可作

不得秦成大潰以歸。家鉉翁詳說○諸侯所以屈己爲霸主役者以

霸主用諸侯之力以安諸侯而已故雖爲之用而不懟以公用

之也今以霸主之勢脅諸侯而私用之宜其一用而諸侯離也

故冬爲戚之會大則齊不至小則曹薛滕邾不會矣

趙鵬飛經筵○

晉厲合九國之諸侯以伐秦晉悼合十三國之大夫以伐秦其爲動衆勤遠取譏春秋一也然一則剛而惡一則柔而善也故伐秦之役重煩諸侯而徵列國之卿其道皆用柔而其失也損威喪德諸侯不畏大夫無忌滅國不問出君不問交相侵伐不問而以圍齊執邾莒之事遺之後人晉伯因以漸衰豈不惜哉

張自超宗朱辨義

○尊周攘楚是霸者主腦若但以報櫟之役再煩道

敝之諸侯則已僨也乃必報伐則晉侯先濟諸侯之大夫安敢

不濟而已安坐於竟是遷延之役悼實倡之

姜炳璋讀左補義

又 冬季孫宿會晉士匄宋華閱衛孫林父鄭公孫莖莒人邾

人于戚

左謀定衛也范宣子假羽毛於齊而弗歸齊人始貳○衛人立

剽非正也晉不討亂會其賊以定之而列林父在會霸主抑君

而臣是助且戚林父邑也合列國於孫氏私邑具書於策晉大

夫之黨惡具見襄昭之際大夫無君之禍晉爲之也悼公之德

衰矣

葉纂許翰陳傳良薛季宣張洽王賈道

○晉悼用師於鄭衛衍無會不往無

役不從今爲其臣所逐晉當會諸侯納衛君誅孫甯以伸伯討

乃反聽賊臣立君而爲會以定其位此春秋之所甚惡也

家鉉翁詳

說

○衛侯出奔而林父會于戚昭公在乾侯而季孫會適厯抑

君助臣之禍前後一轍悼公霸業盡喪矣齊人之貳豈待假羽

毛哉

李康會通

○衛孫林父出其君其罪大矣不令之臣天下所惡

也晉不能討乃因以定之豈非列國大夫皆林父之輩同惡相

濟歟

黃仲炎通說

○晉霸業之衰實始於齊人之貳也晉楚之爭衡

齊秦時倔強其間爲晉霸梗秦在西陲晉蔽之害不及諸國齊

居山東一與晉異卽加兵魯衛而邾言助之爲魯患尤甚

朱鶴齡讀

左日鈔

○楚之不能與晉爭成於子辛之侵欲也而士臼復蹈之

及爲政而又重諸侯之幣晉雖欲不失伯得乎

何焯讀書記

襄十五年冬晉侯周卒

晉悼總論

悼公起四公之衰復文襄之盛一國宋彭城而得諸侯再奪鄭虎牢而來陳鄭外抗強楚內通東吳不獨伯功之美也其行事忠厚不迫堅忍持重有回顧卻慮之謀無輕逞輒快之舉八年九合則勤於安夏三分四軍則謹於用民六卿選德則用人有章騶御知訓則教士有法此所以能得諸侯服鄭而駕楚也使晉以詐力相長未必能服諸侯也悼以謙德臨之雞澤之召諸侯曰願與二三兄弟相見以謀不協故十三國不令而從無滅譚滅遂執曹執衛之事使晉以盟誓

爲信未必能得鄭也悼以誠心行之鄭子辰曰晉君方明必不棄鄭
故五會之信終於不盟無逃盟乞盟之煩使晉以戰伐爲威未必能
駕楚也悼以容量處之楚子囊曰晉不可敵事之而後可故三駕之
烈不交一旅無城濮鄢陵之勞是三者有君子之資矣蕭魚一會不
戰不盟楚不敢爭鄭不敢叛雖召陵之役不能過也惜乎能服諸侯
而不能杜大夫之專能得鄭而不能掩失陳之責屈王臣同盟雞澤
用諸侯報怨於秦孫林父逐君而不能討齊靈公撓霸而不能馴邾
莒肆行而不能禁其治疎矣不然悼之霸過桓文矣

趙鵬飛經筵
李琪世紀

八年之中九合諸侯襄五年會戚一也會城棣救陳二也七年會鄆
三也八年會邢邱四也九年盟戲五也十年會粗六也戊虎牢七也
十一年盟亳城北八也會蕭魚九也自四年至十一年爲八年

李廉
會通

襄五年○按李說
本服注見史記注

劉氏說見比事門襄十二年

悼公伯烈最可稱者蕭魚之會也以盟則不如屈完之服其心以戰則不能如城濮之誓其氣然以荆楚方強子囊爲政而凜然有憚晉之心觀子囊之言曰晉君類能而使之舉不失選官不易方其卿孫於善其大夫不失守其士競於教其庶人力於農穡商工阜隸不知遷業君明臣忠上讓下競當是時也晉不可敵然則晉悼所以能服楚者固有道矣獨其失在大夫之專雞澤之會諸侯實在而使大夫盟甚至邢邱之會大夫得以會諸侯而向之會則直以大夫而已以悼公之賢而不能抑大夫之專又從而張之是將誰咎哉至於鄆嘗預會而聽莒人之滅鄆莒魯同盟而不恤莒人之仇魯蓋其設心措慮全在制楚而其他皆未之及此所以不能如桓文之盛歟

呂大圭或問

晉悼楚服其威鄭懷其德抑何盛也然謹於諸侯而縱於大夫工於撫鄆而拙於懷陳明於治楚而暗於治秦君子惜焉尤失者衛孫甯

逐君而庇之晉六卿魯三家齊崔慶陳氏自此縱矣

日講解義

晉悼敗楚之計與齊桓服楚晉文勝楚異矣諸侯大夫無歲不奔走於途士民無歲不披甲執兵以聽晉命何其煩且急也雖然晉悼之時非桓文之時也齊桓之時楚病中國未甚其欲得中國之志未堅桓定其規模蓄其謀慮然後臨之以重兵責之以大義既示以必戰之勢而又開其來盟之門楚雖欲不服而不能也齊桓既卒宋襄召魯盟鹿上會孟延盜入室戰敗于泓而天下震恐晉文不戰而勝之不足以遏其方張之勢也襄靈以來中國之禮義日敝而楚之威力日強既不能服之又不能勝之則伯主攘楚之道窮矣晉悼敝之之法豈得已哉蓋鑒於鄢陵之戰不能收城濮之功而不得不爲此變計也則謂晉悼之伯比績桓文不爲虛美矣

張自超宗朱辨義襄十一年

晉悼屈楚服鄭敵國之臣如子囊者亦心悅誠服蓋功烈如桓文而

德量過之惜權移於大夫助孫林父之奸爲賊臣荀偃所悞頌陳高
大事委

悼公乘再霸之餘再合諸侯天下翕然宗晉較文公創始稍易然文一戰而霸悼則八年九合而後定之何遲速相懸若此曰文公時天下之勢已盡屬楚剝極則復故文公一出而如日再中至悼公時未服者鄭耳鄭又未可旦夕服而楚執政子囊又堅忍持重非如得臣之輕脫僨事其勢常迭進迭退非要之以持久而老之以不戰則徒暴骨以逞而無當於服楚之大計故當日謀臣長慮卻顧定和戎之策以專事中夏建息民之謀使國力不竭者魏絳也不戰而屈人者知罃也而其要尤在戊虎牢鄭爲南北之中距晉楚道里各半若徒道敝楚人恐楚敝而諸侯之力亦敝留宿勁兵則我爲主而楚爲客諸侯散則各歸其國聚則兵衆不勞而畢具靜以待動逸以制勞此固不待交鋒而楚已卻避矣且鄭固願服於晉特慮爲楚所擾耳戊

之則鄭在晉之宇下而楚不敢爭以鄭屏楚而東諸侯始得晏然壤楚以安中夏其計無出於此論者或以服鄭爲勞民以棄陳爲失策皆一偏之見不審時勢之論也夫陳蔡許近楚服楚已久必欲致三國之服從是如齊之合江黃適以速楚之滅也當襄昭之世中國至服鄭而止以鄭爲南北之界晉悼君臣能識大勢也

又晉悼公論

虛打一會而晉得宋虎牢再役而晉得鄭其於陳也來則字之去則舍之急在宋鄭故緩在陳鄭起蔡數疆場日擾孫僑識禍亂之萌子駟持兩待之論悼公五會以著信三駕以著威九合以著和服鄭卽止未嘗暴骨原野殘民鋒鏑而霸業已隆矣和戎睦華得安內攘外之權通吳制楚得遠近交攻之法

馬駟左傳事緯

悼之服鄭勝楚全在城虎牢以偪鄭三分四軍以徹楚故楚不能與爭吳之謀楚亦用三師以肆之故卒入郢

魏禧左傳經世鈔附魏世倣說

晉悼初立所以命百官者皆培植國本之急務所以任六卿者皆興起人心之至機抑戎以靖其外息民以安其內於是三駕而楚莫能爭夫以其年不若文公其佐不若桓公而少壯能老成英銳能詳重規模位置度越桓文無他欲寡故耳欲寡則虛虛則明明則通公方好田聞虞人之箴而田以時女樂方在庭斥其半以賜謀臣曾無難色車服器用悉從節約朝聘有定數不過求於列國得寡欲之道矣若其大節目所在因循曠失蓋方寸本來之明無與發之也故嘗謂春秋之君惟悼公可與有爲惜乎不知尊德性而道問學

洪咨夔春秋說

晉悼之霸雖盛於蕭魚亦衰於蕭魚未會蕭魚之前君臣兢兢一心同力范宣子曰不慎必失諸侯其警戒如此及既會蕭魚之後君臣志得意滿戚會范宣子假羽毛於齊悼公不能正其罪衛孫林父逐君問中行獻子謂不如因而定之皆是君臣苟簡弛墜之語

呂祖謙左傳說

悼公用韓厥則克彭城用知罃魏絳則服鄭及晚節末路用荀偃士
句則衛大夫逐君不能討以此知人君不可一日無謀臣也楊于庭

晉平之世

會渙梁傳載齊高厚事辨會夷儀不書伐齊辨齊同盟重邱辨會宋傳事辨經改先晉辨會

說不書盟辨會申貶諸侯不殊淮夷辨

襄十六年春公會晉侯宋公衛侯鄭伯曹伯莒子邾子薛伯杞伯
小邾子于渙梁大夫盟

左平公卽位改服修官警守而下會于渙梁命歸侵田晉侯與
諸侯宴于溫使諸大夫舞曰歌詩必類齊高厚之詩不類荀偃
怒使諸大夫盟高厚高厚逃歸於是叔孫豹晉荀偃衛甯殖鄭
公孫薑小邾之大夫盟曰同討不庭○爲討邾莒也邾莒連伐
魯魯使告於晉悼公將爲會以討之未果而卒平公卽位遂成
父志

高閔集注

○平公承悼公之烈可以因時有爲十年之間七合

「諸侯湟梁祝柯澶淵商任沙隨兩夷儀是也苟能攬權以挈政
統明義而感人心則霸功可以濟美矣奈何首事之初卽以霸
權授之大夫而討罪服貳又素於義湟梁執邾莒二君不歸京
師且不能復魯之侵田圍齊焚其四郭而齊猶不服澶淵雖獲
齊成實以齊莊欲求好於諸侯非誠服於晉厥後不免朝歌之
伐商任沙隨錮欒氏而反召盍之亂國夷儀將以伐齊卒受賂
而同盟焉自是不復能合諸侯而大夫專出會盟矣原其失在
縱權於下世卿強家黨惡怙亂不能仗義以正諸侯故霸政隳
也」汪克寬疏○會于戚而孫林父甯殖定矣會湟梁而衛剽定矣
晉悼失於其終而及身之伯衰晉平失於其始而晉之世伯衰
張自超宗朱辨義○此盟蓋懼諸侯之從齊也齊自鞏戰後於晉無役
不從自悼之末年始貳屢侵伐魯四年之中至六伐鄙而四圍

邑所以復有平陰之圍

顧棟高大事表

○平公父卒未久豈有便行其

樂歌舞之理又云高厚逃歸若已在會而逃歸經不合不書傳

五年鄭伯襄七年陳侯並書逃歸以明其罪何得獨此不書左

氏此傳不足憑也

陸澹辨疑引趙匡

○盟之大夫卽在會諸侯之大夫

也會者十一國而齊不在焉則高厚何從至哉蓋是時齊方從

楚故執邾宣公莒犁比公以爲通齊楚之使則齊固不與諸侯

合矣否則高厚以逃歸不書豈可併沒齊侯不得見於會哉

葉夢

得左傳

○顧說又見大夫主會盟門

襄十六年春齊侯伐我北鄙○秋齊侯伐我北鄙圍成 十七年

夏衛石買帥師伐曹 秋齊侯伐我北鄙圍桃齊高厚帥師伐我

圍防 冬邾人伐我南鄙

晉悼沒齊衛同時擅興而邾亦釋憾於魯此無霸之害也

方苞直解

又 夏叔老會鄭伯晉荀偃衛甯殖宋人伐許

左許男請遷於晉諸侯遷許許大夫不可晉人歸諸侯鄭子驁聞將伐許相鄭伯以從諸侯之師夏伐許○許欲從晉不果故晉伐之鄭與許有怨故君親行

高閼集注

○左氏晉荀偃欒黶帥師

伐楚以報宋揚梁之役楚公子格帥師及晉師戰于湛阪楚師敗績晉師遂侵方城之外復伐許而還果爾是城濮以來未有之戰功也經何以沒而不書耶且許所恃者楚也楚敗而許自服矣何用伐爲以是知左氏之說未足據也

朱軾春秋鈔

襄十七年春宋人伐陳

七年鄆之會陳侯逃歸自是不復與諸侯會而楚鄭連年侵宋宋於是請於晉而伐之書伐許伐陳皆著楚之誅也

高閼集注

襄十八年冬公會晉侯宋公衛侯鄭伯曹伯莒子邾子滕子薛伯

杞伯小邾子同圍齊

見齊魯交兵門○書同者諸侯合兵同力也見晉不能主兵也

俞臯釋義○同圍齊不但晉志也自圍齊之後晉師無君將矣雖大

夫之師出亦無與於諸夏之義矣陳傅良後傳

又 楚公子午帥師伐鄭

魚後楚兵又至鄭李廉會通○間鄭伯之從晉伐齊也平公初年

承悼之烈國勢方強鄭子孔欲從楚而楚卒無功彙纂薛季直參顯棟高

襄十九年春諸侯盟于祝柯

左諸侯還自沂上盟于督揚卽祝柯曰大無侵小○溟梁祝柯二

盟誅強恤弱有悼公餘烈此後權移於大夫而不競矣顧棟高大事表

襄二十年夏公會晉侯齊侯宋公衛侯鄭伯曹伯莒子邾子滕子

薛伯杞伯小邾子盟于澶淵

左齊成故也。○光以篡立內不自安求成於晉說者謂晉不伐
 喪齊莊誠服者吾不敢信也。士勾當大會諸侯暴光之惡正杆
 之罪別立賢君乃以得成爲利遂使崔杼得列於壇坫之側而
 無敢討夫齊襄無道猶能轅高渠彌而晉則悼助林父平助崔
 杼苟偃士勾之所以罪不容誅也。姜炳璋讀左補義 ○齊來受盟者崔
 杼因亂立君結諸侯之好也。先儒以爲士勾聞喪還師而遂來
 會爲能修德來遠未必然也。張士超宗朱辨義 ○是時楚已不復與晉
 爭獨齊乍叛乍服蓋晉伯極盛將衰之候也。顧棟高大事表
 襄二十一年冬公會晉侯齊侯宋公衛侯鄭伯曹伯莒子邾子千
 商任

左錮欒氏也。○欒氏之出徒以權門私怨而平公受其激怒勤
 動諸侯以逞范鞅之積憾卒致禍亂。呂本中集解引許翰 ○胡傳論古者

大夫去國君使人導之出疆又先之於其所往今晉不念欒氏

世勲搏執之而極其所往過矣按晉以大夫之故再勤諸侯君

失政而大夫專春秋所惡在此彼欒氏之區區烏足論哉陸梁胡傳

辨○盈非有犯上可誅之罪勾實忌盈於國何有且又使君會

諸侯以錮之而逞其憾悖甚矣而平公聽之非君道矣此何事

而勤諸侯乎失伯職矣御纂直解○范氏報私怨也而晉平一任

其所爲自是政移於范氏伯業衰矣顧棟高大事表

襄二十二年冬公會晉侯齊侯宋公衛侯鄭伯曹伯莒子邾子薛

伯杞伯小邾子于沙隨

左復錮欒氏也欒盈猶在齊晏子曰禍將作矣齊將伐晉不可

以不懼○晉以欒氏之故再合諸侯大夫強也齊人保欒盈是

令不行也強諸侯以不順之令失霸主之道也王樵輯傳○欒盈以

今秋去楚適齊故復爲此會以堅其約雖諸侯在列意專者齊
晉平狗柄臣之意爲一亡臣再勤諸侯昏庸一至此乎

御纂
直解

○商任之會九國沙隨之會十二國動天下大衆而大夫專以
報私怨太阿旁落宜諸侯解體而齊遂敢伐晉也

國續高
大事表○會

商任盈未至齊也會沙隨盈已在齊矣晉侯錮之齊侯納之而
君相見何以爲詞甚矣諸侯之不以誠相與也

張自超宗
朱辨義

襄二十三年秋齊侯伐衛遂伐晉叔孫豹帥師救晉

伐晉因樂盈之亂以爭霸也其言遂何志不在伐衛也

牛通
震傳○

齊至伐晉晉霸不復振矣此世變之大關也齊本欲報平陰之

役而之伐衛故書遂晉方內亂不暇外禦齊因得長驅取邑

趙佑
雜案

○齊侯納樂盈於曲沃幾成大亂已卽以勁兵踵其後入

春秋以來未有諸侯伐盟主至於此極者也齊自晉文創伯以

來世服於晉至頃公始貳成二年會袁婁又事晉至靈公復貳
襄二十年盟澶淵又事晉今纔四年耳乃敢猖獗如此則晉伯
之衰不能宗諸侯矣顧棟高大事表○晉伯國也主諸侯以庇人何至
使人救救晉而晉霸衰矣書救晉而天下益多故矣賀仲載歸義
襄二十四年秋公會晉侯宋公衛侯鄭伯曹伯莒子邾子滕子薛
伯杞伯小邾子于夷儀

左將以伐齊水不克○晉大合諸侯而無所事蓋進則憚齊之
強退又憂楚之伐鄭故一會而徒返晉之不能可知汪克寬纂疏○

商任沙隨之會晉失其令齊遂輕晉甚至稱兵伐晉故晉爲此
會將以伐齊然會而不伐不能伐也國勢不競衆心不一也御

纂直

○晉是時國勢不競其會而不伐者蓋有所畏耳曰水不

克者乃掩飾之詞

葉西

○餘見齊晉交兵門不書救門

又 冬楚子蔡侯陳侯許男伐鄭

左齊侯既伐晉而懼將欲見楚子楚子使遠啟疆如齊聘且請期秋齊侯聞將有晉師使陳無字如楚辭且乞師八月會于夷儀將以伐齊冬楚子伐鄭以救齊諸侯還救鄭楚子還○楚既制吳於是伐鄭瞰晉伯之衰諸侯之貳也

季本私考

○鄭自蕭魚之

會歸中國楚不敢爭者十有五年晉平嗣業不能杜楚人窺伺之譏楚乘釁而時據鄭前日諸侯圍齊楚公子午伐鄭今日諸侯會夷儀楚率蔡陳許伐鄭楚蓋一日未嘗忘鄭而晉不能和諸侯以制楚乃撲諸侯以報怨且勝齊孰愈於制楚哉

趙聘飛經案

襄二十五年夏再會夷儀

十二國諸侯同上

秋諸侯同盟于重邱

左會於夷儀伐齊以報朝歌之役齊人以莊公說賂晉侯晉許之同盟於重邱齊成故也○崔杼之弑晉宜問罪討賊置君以

定其國則方伯連帥之職修矣以義會諸侯而以姦終之晉曰

趨於下矣

胡安國傳
高閔集注

○齊取朝歌晉之私憾也崔杼弑君天下

之大惡也因報怨而伐之以弑君說而遂釋之是知有一己之

私憾而不知天下之大惡也

黃仲炎
通說

○祁午數趙午之政再合

諸侯三合大夫始此今年夷儀明年澶淵再合諸侯也二十七

年于宋三十年澶淵昭元年于虢三合大夫也

李廉
會通

○晉悼動

輒召十三國諸侯大夫日夕奔命而晉平效之諸國疲困極矣

此會盟將變之候也

毛奇齡屬
辭比事記

○夷儀之會經本不言伐齊使

果爲報朝歌之役而以殺其君爲解且以賂免則諸侯得無譏

乎杜預以爲齊有喪自宜退師尤非使弑君不討而謂之不伐

喪則凡弑者皆可以喪免之矣據十四年經書衛侯衎出奔齊

此獻公爲孫林父所逐而立剽也二十三年書齊侯伐衛遂伐

晉是時衍猶在齊疑爲伐剽而晉有黨焉故明年爲夷儀之會
衛侯亦與夷儀衛地則晉必謀衛而未成故至是又會傳言晉
侯受齊侯賂使魏舒宛沒逆衛侯則晉復變而與衍矣後三月
所以遂見衛侯衍入於夷儀則晉之再會皆爲謀衛耳崔杼負
罪聞會懼討因以許復衛侯而用賂此經所以但書會蓋本無
伐事也

程端學三傳辨疑

○按左氏言齊成而同盟固已過矣然猶未

明言齊與盟也杜氏解傳則曰伐齊稱同盟齊亦與盟也夫經
於夷儀之會列序諸侯之名至此書諸侯同盟前目後凡至明
且約豈有齊人與盟之事哉又○受賂不討齊亂而諸侯列序
觀此則知盟扈會扈諸侯不序先儒以爲不能討賊故略之失
其義矣蓋衆會而列序然後不能討賊之罪益彰無爲以略之

見義也

方苞直解

又 秋楚屈建帥師滅舒鳩

羣舒近楚爲楚蠶食至是盡矣成十七年滅舒庸宣八年滅舒蓼及是滅舒鳩羣舒無噍類稽其先蓋與楚俱張荊舒是懲是也而今皆併於楚則楚之疆日闢矣

趙鵬飛經筵

襄二十六年夏公會晉人鄭良霄宋人曹人于澶淵

左衛人侵戚東鄙晉成茅氏殖綽伐茅氏殺晉成三百人孫氏愬於晉公會晉趙武宋向戌鄭良霄曹人于澶淵以討衛疆戚田取衛西鄙懿氏六十以與孫氏衛侯如晉晉執而囚之齊侯鄭伯爲衛侯故如晉國子景使晏平仲私於叔向曰晉君宣其明德於諸侯恤其患而補其闕正其違而治其煩所以爲盟主也今爲臣執君若之何叔向告趙文子文子告晉侯乃許歸衛侯○林父逐君悼公爲之定篡君之位今剽死獻入晉平受賊

臣之譖而止獻公囚甯喜取衛田以益林父平固甚愚亦何利而爲此由晉之諸臣各爲私計羽翼諸侯之大夫使交起爲亂以爲彼剖分宗國之地耳魏趙韓三分晉國悼平實啟之矣

翁詳說

○晉平重邱之後五合大夫自縱其權委之臣下而且主

張失宜冠履倒置會澶淵則黨叛臣盟宋則以霸統屬之荆楚城杞則不恤宗周而私母家澶淵謀宋災而蔡般不討皆悖上下之義紊內外之分

汪克寬纂疏

○孫甯逐君衛獻奔出晉爲盟主

不能正之今甯喜弑剽納獻林父入戚以叛宜誅林父以定獻公今反黨逆醜正以登叛人徒以林父嘗與戚之會剽嘗同俱梁之盟圍齊伐齊衛嘗用命澶淵商任沙隨之會剽無不從則剽固久役於晉而衍無一毫之益於平公也今林父立剽而喜弑之林父逐衍而喜納之則喜固剽與林父之讎晉旣黨剽而

佑林父則亦以衍喜爲讎焉

趙鵬飛經筵

○晉平但知衍已非衛之

君而忘乎林父原爲衛之臣但知今日君衛之剽不可弑而忘

乎當日君衛之衍不可逐但知助不弑剽之林父而忘乎助逐

衍之林父但知助林父以抗十二年失國之君而忘乎逆衛衍

以黨十二年專國之臣是非公私之介不明失大義而開亂端

焉使能戮甯喜命林父避邑以定衍之爲君則得矣

張自超宗朱辨義

○晉庇一孫林父而諸侯貳聽一向成而諸侯散

洪咨夔春秋說昭十三

又

冬楚子陳侯蔡侯伐鄭

左鄭人將禦之子產曰晉楚將平不如使逞而歸乃易成也○

許靈公如楚請伐鄭卒於楚楚子爲之會陳蔡伐鄭師還乃葬

許靈公楚之求諸侯亦勤矣是以卒得志於中夏書許男卒楚

伐鄭葬許靈公以警晉也

家鉉翁詳說

○楚以許故約蔡陳伐鄭蓋

知晉之不在諸侯而復爲陵駕之舉姚舜牧疑問○楚之懷許於流

離死喪之日抑強以安弱與晉之辱衛於奔亡困頓之餘庇賊

以抗君者其得失之相去何如母怪乎中國之衰也朱朝瑛略記

襄二十七年夏叔孫豹會晉趙武楚屈建蔡公孫歸生衛石惡陳

孔奐鄭良霄許人曹人于宋 秋豹及諸侯之大夫盟于宋

左宋向戌欲弭諸侯之兵以爲名告於諸侯爲會於宋子木請

晉楚之從交相見釋齊秦晉人許之盟於宋西門之外晉楚爭

先先楚人書先晉晉有信也○此晉楚初同主盟諸夏也晉楚

嘗盟矣成十二年宋華元合晉楚之成士燮會公子罷盟於宋

西門之外不書猶曰特相盟也兩國之好非天下之故也今以

諸侯分爲二國之從而交相見是南北二伯天下之大變也晉

之不主夏盟自宋始趙武之偷也陳傳良後傳○左氏曰欲弭諸侯

之兵以爲名觀以爲名三字便見得向成之弭兵非是果欲息民欲求息民之名耳其後挾此請賞則其意實爲一己之利而已傳於前誅其心於後記其請邑之事又有以正其罪焉呂祖謙左傳說○晉與楚前此有征伐而無會盟今晉不能服楚與之同會結盟則中國之衰荆蠻之強可知故二十八年書公如楚見中國諸侯莫不朝楚矣三十年書楚使遠罷聘魯見中國諸侯莫不受其聘好矣至昭元年會虢昔之從晉者今轉而與荆蠻矣至昭四年楚遂得專制諸侯之會合十三國於申而堂堂之晉於此蔑聞楚得肆其暴橫遂執徐子伐吳殺齊慶封滅賴滅陳殺陳行人于徵師陳孔奐執公子招天下之政中國之事皆制於荆蠻之手天下知有強楚而不知有晉也皆晉平之罪也沈比事○楚同主夏盟皆宋爲之也宋襄圖伯始進楚人於鹿上之

盟既而孟之會楚宋並序諸侯之上二伯之端兆於此今向戌爲成而兩伯之勢遂成至申之會晉且退讓不主諸侯而向戌且獻禮於楚子由是知荆楚之爭雄於北方皆宋爲之

汪充責纂疏

○弭兵之說蓋是時晉楚皆怠於出師是以偶有六七年之安靖然晉帥師而取鄆晉帥師而敗狄兵未嘗敢也號之會楚圍讀舊書未幾大合諸侯伐吳滅賴安在其能弭兵也哉又○向

戌以晉霸日衰慮宋受楚患故爲弭兵之舉耳

季本私考

○是時吳

乘楚後奔命不暇楚非昔日之楚矣而悼公卽世晉亦不在諸侯故二十五年趙武告穆叔有自今以往兵其少弭之語然則合和南北以苟安數年之無事晉楚之同心也楚誠欲劫盟豈先使晉知之蓋形我而使我懼則可以獲所求耳是以交見則許之爭長則讓之一一不較趙武叔向如嬰兒玩於人之股掌

也夫弭兵猶可也楚晉之從交相見則中國之大勢盡去矣上

傳○晉楚之從交相見自是晉楚夷矣向也不過陳鄭蔡近楚

之國從楚耳今也魯衛宋均於事楚矣至申之會而楚專主諸

侯矣是大變也呂大圭○自是中國諸侯兩事晉楚桓文數十

年之業一朝而壞之天下之勢遂大潰不可收拾趙訪○於會

渙梁無君臣之分於盟宋無夷夏之辨林堯○周有明王亦必

用兵平亂趙武何人輕言弭乎晉君暗臣私無志諸侯武受向

戌之惡遂欲博以為功以此約楚楚可信乎楚傲於晉吳又撓

之其勢已挫以弭兵招楚楚反張矣御纂○晉世主夏盟天

下諸侯之安危視晉晉之先公當楚勢昌熾之時猶能戰城濮

戰鄢陵會蕭魚以挫其鋒比年以來楚有吳患勢稍衰矣趙武

當國使能輔晉平增修德政和輯臣民結好諸侯為必能勝楚

之勢楚不內寇則爲衣裳之會以震攝之楚入侵則爲兵車之會以戰卻之振先緒而續伯功則楚可弱而諸侯可安數世之利也奈何失可乘之時而乃使諸侯北面朝楚邪夫桓文周之罪人顧春秋猶或取之者以其攘楚也有攘楚之功故天下諸侯不朝天王而朝伯主齊晉偃然受之功罪猶足相當今以天下諸侯而爲晉楚之從天王安在哉是不以爲周之諸侯而分爲晉楚之諸侯矣嗟乎晉不以諸侯朝周而以朝已至此又以已之諸侯朝楚又以已之諸侯易楚之諸侯使並朝已罪爲大矣

張自超宗
朱辨義

○弭兵息民事非不善屈中國諸侯以庭見於楚

則冠裳倒置而齊桓晉文之業掃地盡矣據左氏則向戌止爲弭兵之謀而晉楚之從交見則子木請之而趙孟許之也論者不以罪趙武而以罪向戌何哉宋在春秋獨能抗楚今向戌但

爲和解而趙武竟諾其諸侯交見趙武累向戌矣約盟既定明年朝楚聞楚子卒宋公及漢而返向戌曰姑歸息民待其立君而爲之備蓋悔爲趙武所誤又○成十二年華元爲晉楚之成未三年而楚卽背之賴厲公鄢陵之勝中國之威復振則楚不可信兵不可去已有明驗平公席悼餘烈向戌復爲此舉曷不鑒於前事以却之卽不能却亦當約束諸侯嚴兵以待請交相見不許請先晉不許可則盟不可則退治兵如故天下諸侯與晉者衆楚必不敢動奈何俯首帖耳惟命是聽趙武叔向公然賣國楚虔得藉此縱肆無忌楚日滅國不爲敗盟晉一出師卽爲爽信坐視諸侯之魚肉此非特爲成之誤爲成而弛備之誤也顧棟高○楚入春秋薦食中國舊矣中國不得已而修霸令豈好兵哉文公躬擐甲胄經營中原以禦彊楚凡以存天下之

大防使中國之勢常伸也今也楚不能得志於諸侯借弭兵之說以收天下之權而晉乃貪弭兵之名以求一時之利晏安鴟毒坐失事機何其拙也夫以楚成之彊楚莊之賢百餘年間師勞力頓未常得一號令北方而康王乃不煩一卒晏然爲盟主於是中國大勢盡移於楚楚誠得矣晉何以自處哉子木盟而駟謁諸王楚之權實在其上晉則趙孟直自主之矣大夫專諸侯替而蠻夷得志此一大變也

馬驥左傳事緯

○傳曰以誣道蔽諸侯

是通篇斷結起處欲以爲名是通篇脉絡微特向戌以爲名也卽趙武亦以爲名飾其畏楚之實而且任其懷惡欺陵而又美其名曰守信其實皆誣道也夫楚窺周鼎滅諸姬無虛日桓文以來欲正其罪而不能武戌兩人忽攔入冠裳之會讓以先秋列國諸侯未聞朝王而僕僕於楚廷是率天下而王楚也

註事

晉者賦於楚事楚者賦於晉頓使魯衛曹許諸國忽增倍賦而取給於殘喘之民是不以兵殺之而以賦殺之也况申之會執徐伐吳滅頓滅陳蔡兵何嘗弭哉當是時諸侯大勢從楚者什之三從晉者什之七悼公三駕後二十年間楚再伐鄭無功乃不折一矢而中原皆入於楚是趙武向戌欲得其虛名楚則舉顯名厚實兼收之而諸侯無一不受其實禍也弭兵之罪可勝言哉無他晉卿封殖私家利於無事故此盟皆主以大夫而君如寄生傳亟敘子木使駟謁諸王一語以見不如諸夏之亡也

姜炳璋讀左補義

○晉楚之從交相見自此南北兩伯乃東西並帝之

權輿也向戌之弭兵又即戰國合縱之始也

此主通和彼主拒秦耳故此

會爲春秋一大關鍵

顧奎光隨筆

○宋左師請賞不請於晉楚獨請

於其君者蓋弭兵之會全出向戌專爲宋一國之計而非爲天

下之大計也宋在晉楚間其近楚也次於鄭其近晉也次於衛
然而晉每盟會宋必與焉蓋其徵發常先及也自襄公爲楚所
辱宋以大國不克與晉楚抗衡而頻從其後無異衛鄭宋人患
之已非一日以故華元先有息民之謀向戌繼爲弭兵之舉其
名旣無惡於天下其功之成由宋則晉楚將德宋宋國可以安
此其計也是以請賞也子罕責之自不可易

趙佐
雜案

左以盟先楚經改先晉殊未然蓋會在夏盟在秋爭長在盟不
在會也盟先楚故春秋止書大夫盟而不序則楚之陵晉之偷
具見而存中國之意亦寓矣

御纂
直解

○當時在會坐次木晉爲

先經文所書會之序也及盟而經文不列序楚之駕晉無從見
也試觀旣盟宋享晉楚大夫而趙孟爲客則諸侯本先晉之明
驗也左氏以先晉爲孔子所改孔子修春秋其文則史豈有取

諸侯次第自改之之理然則使楚竟駕晉於會春秋將遂先楚乎是又未必然也春秋固不敢擅改載書之次第然畢竟須重王爵黃池之會吳竟駕晉矣然春秋書曰公會晉侯及吳于于黃池則內外進退之旨了然可見使宋之會亦若此則書法亦若此矣聖人經文之妙如此然後知說者謂春秋甚惡晉而許楚者妄也

全祖望經史問答

○周制盟與會次序本異說見定四年今

屈建所爭者歃血之先後耳其會固未嘗先晉也傳曰書先晉晉有信也考之已不詳杜預曰蓋孔子追正之亦非傳意傳曰楚先歃言盟非言會也經於盟凡舉故先楚不見經耳

郝懿行說略高

謝然

○齊秦不交見邾滕爲私屬其不書傳言之矣向戌何以

不書會盟於宋以國與也

高謝然釋經

○同役不列序離事宜凡舉

豹不氏蒙上省文也三者皆春秋達例以特文釋之鑿矣

又○

是會也大夫專盟無君臣之義晉楚同歆失夷夏之防此世道之一大變也傳記楚先晉歆而經先書晉以爲晉有信非也蓋會有會禮盟有盟禮諸侯大夫夏已會而秋乃盟會時晉固先楚故經先書晉至盟而楚先晉經則以前目後凡之例書之使先楚之跡泯然不露噫大夫專盟而特書曰諸侯之大夫存君臣之義也楚先晉歆而止書曰豹及諸侯之大夫盟立夷夏之防也春秋之立文精矣

萬斯大
隨筆

○存耕趙氏曰宋之盟諸夏大

變也左氏浮誇乃謂是會多文辭愚按左氏言齊秦許之今經無齊秦又此盟之後二十九年邾人滕人城杞三十年邾人滕人會於澶淵後凡會盟邾滕無不書於春秋則是齊未嘗請邾未嘗請滕也豹不書族前見也會非以有信先晉也左氏皆曲解經文而撰事以實之又楚屈建旣與諸侯之大夫盟矣必

無晉荀寅如楚再蒞盟之事若有之經亦當書之

程端學三傳辨疑

襄二十八年冬公如楚

左爲宋之盟故公及宋公陳侯鄭伯許男如楚○列國之君旅

見於楚始此舉魯以見其餘

陳傳良役傳

○僖十八年鄭文公始朝

於楚二十二年鄭伯又如楚二十四年未成公亦如楚自是而

後鄭伯屢朝於楚而陳許朝楚傳亦閒見至於今而列國諸侯

旅朝於楚以事天子之禮事之矣至昭九年而列國大夫亦旅

見於楚迄哀四年而晉亦京師楚矣

汪克寬纂疏○昭九叔弓會楚子于陳哀四晉執戎

蠻子未歸于楚○楚之與國朝晉者不過近楚之陳蔡及一二小國而

鄭宋魯衛皆旅見楚庭晉之失策未有甚於此也

姜炳璋讀左補義

襄二十九年夏仲孫羯會晉荀盈齊高止宋華定衛世叔儀鄭公

孫段曹人莒人滕人薛人小邾人城杞

左晉平公杞出也故治杞知悼子合諸侯之大夫城杞鄭子太叔見太叔文子與之語文子曰甚乎其城杞也子太叔曰晉國不恤周宗之闕而夏肆是屏其棄諸姬亦可知已諸姬是棄其誰歸之吉也聞之棄同卽異是謂離德詩曰協比其鄰昏姻孔云晉不鄰矣其誰云之○合十一國諸侯之大夫而書城杞爲悼夫人也合十二國諸侯之大夫于澶淵而書宋災故爲其姬也是時衛甯喜弑君孫林父以邑叛蔡世子般弑父吳楚之大夫交聘於中國天下亦多故矣而區區於宋杞是晉之已細也晉之已細而後有執齊慶封放陳招殺蔡侯般假討賊以盟諸侯如楚靈王者矣陳傳良後傳○僖公爲成風伐邾春秋不予以救患之義平公爲悼夫人城杞春秋不予以保小之仁李廉會通○晉平以母家之私煩諸侯以城杞伯業所以墮也故書城杞以示

貶穀梁以爲變之正者非也

葉某案

襄三十年春楚子使遼罷來聘

報公之朝也以聘報朝楚人行伯主之禮於中國也

牛運震傳

○張

氏說見書聘門

襄三十年冬晉人齊人宋人衛人鄭人曹人邾人滕人薛人杞人小邾人會于澶淵宋災故

左爲宋災故

是年五月宋災宋伯姬卒

諸侯之大夫會謀歸宋財冬十月叔

孫豹會晉趙武齊公孫蠆宋向戌衛北宮佗鄭罕虎及小邾之

大夫會于澶淵○蔡般弑父晉人不討春秋貶澶淵之會而書

宋災故所以深著其不討賊也晉不討賊而後楚虔得竊是義

以行之以討陳亂爲名而滅陳以討蔡亂爲名而滅蔡皆澶淵

之會爲之也

黃仲炎通說汪克寬纂疏

○陳說見上○餘見書人門駁辨

昭元年春叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢

左尋宋之盟也楚令尹圍請用牲讀舊書加於牲上而已晉人

許之○宋之盟齊人不與今齊又從楚矣晉伯之衰可知高閔集注

○孟之會楚宋序諸侯之上宋號之會晉楚序列國大夫之上

皆兩伯之辭

江克寬纂疏

○趙武再合諸侯三合六夫止此李廉會通○

自入春秋百七十年楚僻居南服雖蠭強自大不得與晉齒也

中國諸侯依盟主以自存其有屈於夷者暫也非其常也宋向

戌持弭兵之說以納交二國未嘗欲驅中國諸侯爲楚役也趙

武不明內外之分苟偷目前之安首棄常經倒置冠履俾晉楚

之與國交相見而中國諸侯宋魯鄭衛咸北面於楚庭爲辱實

大始曰弭兵旣而楚盛兵以臨諸侯芟夷小國憑陵諸夏其禍

為烈

家鉉翁詳說

晉既再屈楚遂肆虐向戌以誣道蔽諸侯趙武

以偷安禍列國罪不容於誅矣

日講解義

○自宋盟以後五年矣

楚康雖未甚猖獗而虔

即公

之凶熾久聞晉曾不警備方且治

杞田歸宋財為不急之務凡楚所請許於前日者今日不得不

許入楚之彀中而不悟

顧棟高大事表

○傳云尋宋之盟而不警諸儒

謂盟先楚抑夷狄故沒之按盟果先楚春秋正當書之以見義

何反沒之此蓋會而不盟也

朱監釋諸傳辨疑

○宋之役先會後盟而

楚不爭于會則所爭者先歃耳用是知此會亦晉先楚非改載

書也

高謝然釋經

昭四年夏楚子蔡侯陳侯鄭伯許男徐子滕子頓子胡子沈子小

邾子宋世子佐淮夷倉于申

左四年春許男如楚楚子止之遂止鄭伯復田江南許男與焉

使椒舉如晉求諸侯曰日君有惠賜盟於宋曰晉楚之從交相見也以歲之不易寡人願結驪於二三君使舉請問君若苟無四方之虞則願假寵以請於諸侯晉侯許之楚子問於子產曰晉其許我諸侯乎對曰許君晉君少安不在諸侯其大夫多求莫匡其君在宋之盟又曰如一若不許君將焉用之王曰諸侯其來乎對曰必來從宋之盟承君之歡不畏大國何故不來不來者其魯衛曹邾乎曹畏宋邾畏魯魯衛逼於齊而親於晉惟是不來其餘君之所及也誰敢不至夏諸侯如楚魯衛曹邾不會六月楚子合諸侯于申問禮于左師與子產左師獻公合諸侯之禮六子產獻伯子男會公之禮六楚子示諸侯侈○楚初專合諸侯也齊桓卒楚宋嘗爭長矣晉文起而壞之晉志不在諸侯而楚莊遂盟辰陵然止陳鄭從之耳申之會求諸侯于晉

而晉輕許之遂合十有二國楚之得志於諸侯未有盛於此時

者也會盟之一大變也

陳傅良後傳

晉平公不在諸侯楚於是強

爲伯者之事

程子經說

中國自宋之會政在大夫諸侯不出者十

年楚子因得大合諸侯自是天下之政制在夷狄至於平邱召

陵之會諸侯雖云再出尋復叛去事無所救不足道也

孫復傳王發微

○楚子欲求諸侯問於子產曰晉其許我諸侯乎又曰諸侯其

來乎則楚子固自以爲不足服諸侯而懼其叛也當是時使晉

稍強其誰敢與爭晉強而諸侯聽之則楚亦不能肆其志而晉

侯方溺於嬖寵豈復有志於中國哉

葉夢得傳

○湟梁之盟大夫無

君申之會諸侯皆狄春秋之大變也有雞澤之盟而後有湟梁

之盟有宋之盟而後有申之會君臣夷夏之分謹其微而已

王應

麟因學

紀聞

○楚圍求諸侯於晉大國若齊秦次國如魯衛小國若

曹邾皆不能致宋太子至而後則東諸侯終未肯以事晉者事楚也雖其臣舉六王二公之事其君欲用齊桓而椒舉已知其不濟宋鄭大夫亦幸其不能爲吾患矣則雖侈然一時亦何能爲哉

趙訪屬辭

○楚求諸侯司馬女齊勸晉侯許之謂務修德而無

爭然其以諸侯授之楚也非務德而無爭也畏之而已惟子產知之故語楚虔曰晉君少安不在諸侯其大夫多求莫匡其君斯論爲得其情矣女齊曰晉楚惟天所相不可與爭叔向曰天將假手於楚以斃蔡二子國人所賴以師保其君者也而言若此晉是以不競於楚

陸梁左氏

○楚之橫暴自敗蔡師虜蔡侯以

來已無中國矣蔡邱之後雖敗宋襄于泓而未能合諸侯城濮之後雖敗晉師于邲而亦未能合諸侯者猶有懼於中國諸侯也至此而合十二國以行伯主之事其志則始於大夫之盟宋

夫中國之治邊鄙審於德不足以化之則當嚴爲之防使不得入跳而入焉則張其威武撻之使去如其讓之必至於和之和之必至於服之服之則必至於爲其所吞併故滅陳滅蔡而勢將以次而及中國諸侯也

張自超宗朱辨義

○高氏曰楚之會諸侯也

非小國則與國耳魯齊衛曹薛邾杞不會也宋鄭滕小邾雖會而終不與也成吳之役中國諸侯皆去淮屬楚者從之云云可見歸晉者諸侯之本懷從楚者其不得已也晉則不競聽楚所爲至於滅陳滅蔡而不能救濟楚之國淪胥以鋪其患始於虢成於宋而狼狽於申皆晉爲之也以知春秋之罪晉也

陳遷鶴紀疑

○宋之盟至是九年矣始猶爲二伯而楚爭先趙武靡然從之楚虔遂逞其狂悖而爲此會自此以後楚虔三伐吳滅賴滅陳滅蔡伐徐四出吞噬晉不敢南向加一矢雖有厥慙之會反卑

辭以請蔡於楚卒不聽而虐用蔡世子焉則以晉不敢背弭兵之盟故也故趙武向戌春秋之罪人也

顧棟高大事表

○楚子於弑立

之後假合諸侯以自固故爲申之會而地偏力詘究不能狎主齊盟與強伯比故齊晉魯衛曹邾燕秦諸國並無一與祇鄭許陳蔡是其舊屬餘俱夷蠻小國而已傳稱如晉求諸侯而晉君許之又云時鄭伯許男原以從獵在楚遂留之而使求諸侯今諸侯之來止於如此然則楚之爲霸可知耳

毛奇齡傳

又 楚人執徐子

吳通上國道必由徐執徐子爲其不能閉吳通上國之道爲貳

已也

姜寶事義全考

○楚執徐子亦可以不書而春秋書法與晉文會

溫執衛侯若無異者亦所以罪中國諸侯也

張自超宗朱辨義

又 秋楚子蔡侯陳侯許男頓子胡子沈子淮夷伐吳執齊慶

封殺之遂滅賴

左秋七月楚子以諸侯伐吳宋太子鄭伯先歸宋華費遂鄭大夫從使屈申圍朱方克之執齊慶封殺之遂以諸侯滅賴遷賴

于鄢○因申會以伐吳不言諸侯者鄭徐滕小邾宋不在故也

杜注○諸侯畏楚之強守宋之盟而從楚然猶不能致魯衛曹邾

至伐吳則諸侯皆去所從惟楚之屬耳人心向背可知也張大亨通

訓○始合晉楚之成以弭兵也楚既得諸侯遂動兵晉畧無所

問春秋聯書會盟伐國哀晉之失霸也家鉉翁詳說○一會而執徐

子一伐而殺慶封滅賴楚暴甚矣姚舜牧疑問○晉楚弭兵今楚伐

吳同姓同盟之國也而晉竟若罔聞御纂直解○會十二國而楚

為主楚未有之事連七國而主軍以伐國亦楚未有之事皆以

著中國之失霸也張自超宗朱辨義○往時晉主諸侯楚猶有所忌今

晉甘自退不與楚爭楚遂得大合諸侯專力於撓已之吳以爲
漸窺中國計然歷數在會之諸侯陳蔡許徐頓胡沈固素服於
楚者也淮夷夷也鄭固往來於晉楚者也宋則合晉楚之成者
也滕邾皆屬宋與宋俱往也然則泗上冠帶之國如齊魯衛曹
邾杞皆未之預是雖合者十二國止牽率其同類爾何足以爲
榮及徐子旣執而諸侯解體伐吳之役宋鄭滕邾蚤已去之彼
陳蔡胡頓諸邦名雖諸侯實同烏合安足以敵方熾之吳雖克
朱方滅賴不足以立武示威反播惡於慶封之口未幾而棘櫟
麻之入遽見報於吳人春秋書此以著楚虔之暴橫無能且病
晉之衰而閔在會之諸侯也萬斯大
隨筆○胡氏謂楚虔弑立諸侯
不以爲討而又推爲盟主故不殊淮夷以貶在會之諸侯不知
諸侯畏楚而從非定虔位也文定於楚子麇卒則云聖人畧其

篡弑以扶中國於此會則云罪其為會以貶諸侯皆穿鑿徐庭垣

昭五年冬楚子蔡侯陳侯許男頓子沈子徐人越人伐吳

左傳見吳楚交兵門○楚始通越也晉通吳以病楚楚效之亦

通越以病吳御纂直解

昭六年冬叔弓如楚

見書如門

昭七年春公如楚

楚靈非強君也數會諸侯皆微國又多叛奚必朝哉以晉平失

伯使我不能自安耳高閌集注○餘見公如門

昭八年冬楚師滅陳執陳公子招放之于越殺陳孔奐

三舉陳書滅書執書放書殺皆繫之楚責中國不能治陳之亂

使楚得挾義行詐以墟人之國也

姓舜牧
疑問

昭九年春叔弓會楚子于陳

諸夏大夫旅見於楚於是始舉魯以見其餘

陳傳良
後傳

○楚既滅

陳威鎮諸夏是以無所號召而諸國之大夫自會之

呂本中集
解引許翰

又許遷于夷

滅陳遷許皆中國無霸之禍

高閏
集注

○備著楚之作威福於諸侯

張自超宗
朱詳義

昭十年秋晉侯彪卒

晉平五盟六會服齊狄甯東夏平秦亂城瀘于祁午數當時之

功如此然內有變而不知外有患而不悟尙何功之足云尊爲

邦君而授權於大夫淇梁之會所謂內有變而不知者也身主

夏盟而授權於荆蠻宋之盟所謂外有患而不悟者也諸

位而大夫實主載書是委權以與之也至於欒盈之變曲沃之民主欒氏而不知公室矣晉主夏盟而挈諸侯以界楚是棄權以假之也至於申之會楚用齊桓召陵之典而晉十年無預中國之事矣

李廉會通說本李琪世紀

○汪克寬論見前襄十六會渙梁○晉

平時政權全移於大夫至於與楚成二伯晉遂不復爲盟主使

楚虔日橫吞滅陳蔡而不能救晉伯之失平公爲之也

顧棟高大事表

○自宋之盟弭兵楚方銳意諸侯而晉已及時般樂韓起爲政才復出趙武下營殖私家無心公室安得禁楚之不大合諸侯然猶使椒舉如晉求之求者得不得未可知之辭也其告子產曰晉其許我乎恐晉未必許也司馬侯不規以抗楚而勸趙楚命折以三殆且聽命於天知公無振霸之畧六卿非輔霸之人乃楚之求未已也旣得諸侯復求薦女令人難堪而旣許諸侯

復許送女平公絕少廉恥六卿總無人心

姜炳璋讀左補義

○晉霸自

文襄至悼雖有盛衰然猶爲中夏主盟而宰天下諸侯朝楚者則自平始輔霸之臣自趙盾藐視幼君躬主諸侯大夫遂張而宋之盟趙武直以列國大夫爲政而君不與其時之號令皆助臣辱君之事其於君父一任其耽樂是從而不之顧也故晉之霸業至平而盡輔霸之勲至武而絕又○晉平卒而諸侯使送葬者十有三國故晉當平昭之世諸侯益睦文襄以來無此也傳書送葬之盛以見時當全盛勢有可爲叔向多才不難輔霸晉有昭子鄭有子產皆諸侯之良也奈何甘爲楚役哉又

晉昭之世

昭十一年夏楚子虔誘蔡侯般殺之于申楚公子棄疾帥師圍蔡楚虔欲滅陳久矣幸陳亂無君故先滅之而後行執殺以逞其

威欲窺蔡亦久矣慮其君固守故先誘殺而後加攻圍以肆其

暴

姚舜牧疑問

○既殺蔡般又圍蔡則志在殄蔡之國既滅蔡又執

殺其世子則志在殄蔡之祀楚虔之暴至此而當時諸侯親聞

見其所爲會無仗大義以致師於楚一問其罪者使諸侯能救

蔡則陳亦可復何至於滅之自楚封之自楚哉

張自超朱辨義

昭十一年秋季孫意如會晉韓起齊國弱宋華亥衛北宮佗鄭罕

虎晉人杞人于厥慙 冬楚師滅蔡

左楚師在蔡晉荀吳謂韓宣子曰不能救陳又不能救蔡晉之

不能亦可知也已爲盟主而不恤亡國將焉用之秋會于厥慙

謀救蔡也使狐父請蔡於楚弗許○蔡能嬰城堅不下楚此易

助也厥慙合天下之兵畏不敢救遣使請命使楚益驕有以量

諸侯之力而卒取之此韓起之罪也

呂本中集解引許翰

○晉當使人諭

責以違載背擅興兵滅與國之罪處雖頑冥不靈國中猶有

人豈不畏義而止而晉之用事者庸猥無能乃卑辭爲蔡請益

爲夷所侮辱而蔡遂滅矣

家鉉翁詳說

○宋之盟以弭兵爲名今楚

背盟肆暴於陳蔡晉不能以義責之而反姑息含忍遣使請楚

豈不悖哉

王雱輯傳

○楚子馳一介之使以求諸侯晉人奉命恐後

晉合諸侯之師以請一蔡楚竟拒而不許晉何以堪之縱厥慙

之會無及於蔡然誅暴討亂存亡繼絕無空返之理奈何不敢

以一矢加楚人而歸胡傳乃謂晉與諸侯欲救蔡而力弗加則

無惡焉爲春秋以恕待人是何言也

賀仲獻靖義

○白分伯之後以

陳蔡爲楚屬度外置之故遣使請命而不復命將出師也不然

合八國之衆協心禦之楚雖強亦何足患乎說者謂春秋無貶

詞原其心而諒其力也誤矣汪氏曰春秋書厥愆之會於圍蔡

之後滅蔡之前不書救蔡則厥愆之大夫不待貶絕而罪惡見

出

朱朝瑛
畧記

○不書救不能救也虔頓兵於蔡諸侯共起擊之義

也且前以弭兵爲盟楚背盟肆暴諸侯懼之則用衆力以遏凶

猷亦晉復興之機也乃合九國而不敢進遣使如楚爲蔡請命

卑屈已甚使楚益驕

直解
和纂

○荀吳一呼如夢初覺厥愆之會

者八國齊宋大國在焉斯時蔡世子有方嬰城固守效死弗去

不忍忘親事譬以丐一日之生也相持八閱月日待諸侯之救

而此時荀吳善戰魏舒善謀刻期進師敗楚救蔡豈非霸者之

舉無如韓起之覺而又夢也請蔡於楚益爲楚輕楚人弗從坐

視枕戈復讐之孝子縛而爲山川瀆祀之犧牲噫韓起之罪烈

矣子產曰不能救蔡也早知韓起矣

姜炳璋讀
左補義

○晉自襄二十

六年會澶淵獨主夏盟明年遂成二伯至此凡十七年不主會

盟不用師旅此年復合八國不討楚以庇蔡反卑辭以求楚伯業全喪矣蓋始壞於平公而大壞於昭公則趙武韓起二人養成此禍耳暮氣之不揚不可爲也極標高大事表○自宋虢以後晉日偷楚益肆弭兵之禍遂至於此使晉有英君良臣乘楚惡之貫盈因諸侯之憤懼聯義師以遏楚鋒未嘗非興霸之一助直解

昭十二年冬楚子伐徐

高閔曰徐爲吳姻楚疾吳故遷怒非也王樵曰楚已滅陳蔡將事北方患吳撓其後乘滅陳蔡之威伐徐欲以先聲脅吳使不敢動爾其言伐徐之故是矣尙未盡虔之情也虔滅陳蔡遂以爲天下事無不可爲傳載其求周鼎爲分逆志見矣直解

昭十三年秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平邱同盟于平邱公不與盟

左晉成虜祁諸侯朝而歸者皆有貳心爲取邲故晉將來討叔
向曰諸侯不可以不示威乃並徵會七月治兵於邲南甲事四
千乘遂合諸侯于平邱晉將尋盟齊人不可叔向告於齊齊人
懼聽命叔向曰諸侯有間矣不可以不示衆八月辛未治兵建
而不旆壬申復旆之諸侯畏之邾莒愬魯於晉晉侯不見公使
叔向來辭魯人懼聽命甲戌同盟于平邱公不與盟晉人執季
孫意如以歸○是時乃敵國外患恐懼省戒之時而安於不競
無憤恥自強之志惟宮室臺榭是崇及諸侯皆貳欲以兵甲耀
之不亦末乎胡傳○晉自重邱以後主盟皆大夫今復合十四國
諸侯叔向請之劉子臨之中國猶有望焉而齊人不可鄭人爭
承魯不與盟晉之合諸侯遂由是止鄆陵之役參盟復見晉非
盟主矣陳傳夏後傳○自晉楚爲成晉君臣謂天下無事媮情苟安

無復自強之志楚由是竊霸權虎視列國晉鼠伏而不敢出幾二十年今楚虔自底覆亡復為此會號召諸侯如病疴沉痾之人強自支拄而已

家鉉翁詳說

○晉侯聽邾莒之訴而辱公天下孰

不解體且始執季孫爲邾莒之訴非有扶弱擊強之義也及其歸之又以土地猶大所命能具非有不能救蔡爲夷執親之侮也然則晉人喜怒皆以利發其勸沮皆以利行

高閔集注

○晉伯方

興則厚魯以繫列國之心晉伯既衰則薄魯以折諸侯之氣

洪容

夢春

○晉霸已衰叔向乃欲掃境內之衆以示武不知霸者非

秋說

專恃力必假德方能立如文公出定襄王入務利民伐原示信大蒐示禮皆是依傍德而行至平公以後無德全恃力此晉昭

雖有四千乘而不能一振也

呂祖謙左傳說

○諸侯方脫楚靈之虐駢

首從晉以德緩之飢易食渴易飲也今晉人令於諸侯曰有革

車四千乘在難以無道行之必可畏也自是人心失望

黃仲炎通說

○重邱之後會盟皆大夫至此而再合諸侯且乘楚亂又有可

爲之機矣惜乎叔向賢大夫不以義匡其君乃導之以威力故

諸侯不服而晉之合諸侯遂止於此

李廉會通

○晉昭初立有志於

求諸侯而叔向諸臣德卑材下卒於無成

陳宗之備考

○晉不能以

義服諸侯乃假王命借劉子爲重以挾諸侯將誰欺乎

賀仲軾歸義

○楚亂弑殺相尋晉昭一爲此會王臣下臨諸侯畢至使乘人

心疾楚請王命以討之復陳蔡以導之義聲旣昭衆皆用命必

無楚矣不此之爲而徒會亦奚以爲

御纂直解

○是年楚虔覆亡

棄疾新立晉乘楚亂而爲此會此中興伯業千載一時也而叔

向乃張兵威仇親曜齊敢拒令鄭敢爭承衛病芻蕘之擾魯困

蠻夷之訴諸侯並貳而伯業不能興矣

顧棟高大事表

○是役也諸侯

方將望治而竟以執魯大夫終之同盟辱魯非桓文事亥况虺

祁徵朝和南盛兵業先失禮於諸侯齊以投壺懷貳鄭以伯男

爭承衛以芻蕘懼注卽微魯魯四方亦叛矣馬驥左傳事緯○會天子

之上公大合諸侯甲車四千乘建而不施恐喝中華不見公執

季孫意如於諸姬則陵之於荆蠻則避之春秋所大惡陳遷錄紀疑

○楚滅陳蔡晉不能救弑君晉不能討方且沾沾於魯之取鄭

齊之不盟而期以示威示衆所以終不復振也趙佑雜案

又 冬吳滅州來

吳滅楚之附庸而楚不能爭棄疾新立國亂甫定故也平邱之

諸侯不能乘機治楚以復陳蔡而取大義豈不惜哉張自超宗朱辨義

昭十五年秋晉荀吳帥師伐鮮虞

張氏說見比事門

昭十六年秋晉侯夷卒

晉昭僅一會大夫一盟諸侯楚虔之亂諸夏庶幾復伯乃虜祁

崇侈以啟貳邾南盛兵以示汰平邱之盟坐視諸侯之去况能

駕敵國哉李琪世紀○晉所以失霸以晉之執政知封殖不知公義

也蓋至韓起流而益下弑君滅國之事皆置不問所講求者小

節所圖謀者私家子產笑其無恥久矣姜炳璋讀左補義

晉自文公創伯於僖之二十八年歷襄靈成景厲悼平昭凡九

世共一百有四年自是以後晉楚俱衰齊景爭伯參盟復見昭

十六年如春秋初年矣此世運一大變也顧棟高大事表

晉伯餘燼會黃父無貶辨會召陵書侵隨之辨

昭二十五年夏叔詣會晉趙鞅宋樂大心衛北宮喜鄭游吉曹人

邾人勝人薛人邾人于黃父

左傳見王室亂門。自二十二年景王崩王室亂天王播越諸侯莫救四年之後晉始爲此會而諸侯不至但大夫謀之且曰明年納王夫王室之急如此豈可坐待明年哉有霸者作如齊桓盟首止以定世子晉文誅叔帶以逆襄王豈不美哉聖人書此傷諸侯之無霸也

高閔集注

○此爲王室而會不書無勤王之實

也期以明年納王卒不聞晉侯躬御戎馬展義王室也其後遣

大夫將兵俟王室之將定而竊其功晉之不能甚矣

家鉉翁詳說汪克寬

纂

○王室之亂四載矣諸侯無一念及者晉嘗圍郊而無功深

自阻縮不復議焉今以太叔一言而晉赧然內慚

見上年傳

趙鞅於

是合九國大夫謀之然是時諸侯之政皆出於大夫大夫各謀弱公室以爲己私志不在是也徒畏清議而勉從爾實何補哉子朝固位於內而不敢問天王蒙塵於外而不能納區區會九

國之卿何爲哉其後幾二年而天王始入成周王自入也劉單之功也諸侯之大夫無與焉考之於前則四載之亂而晉如不聞稽之於後則甫及二期而王始入前不及知後不及事春秋書是會前不屬狄泉之居後不屬成周之入足以見其無益也

趙鵬飛
標荃

○是會諸侯不至又不於周而於晉地又期以明年明

年荀躒趙鞅之師出天王書入而晉師克鞏不書皆不予晉也

胡氏以爲免於貶非矣

熊過明
志錄

○是役也得春秋盟會之正然

晉侯與諸侯皆不親會齊則併大夫亦不與會但會而此後無

諸侯之師此年夏會黃父而明年之冬然後天王入成周經文

大義炳然第書事而善惡自見不必求美刺於文字間也

毛奇
齡傳

昭二十七年秋晉士鞅宋樂祁犁衛北宮喜曹人邾人滕人會于

左會成周且謀納公也宋衛固請納公范獻子取貨於季孫謂司城子梁北宮貞子曰季氏甚得其民鞅以爲難請從二子圍魯無成死之二子懼皆辭乃辭小國而以難復○宋元公爲公故如晉衛靈公欲以公子及其大夫之子質於諸侯以求納公則宋衛猶知君臣之義也而齊景晉頃聽梁邱據士鞅納賄與季孫同惡相濟懵然無知以爲魯之休戚無關於已孰知田常貽禍於齊六卿伏憂於晉厝火積薪而不悟邪使二君能爲魯討賊亦足以警內盜之膽也彙纂趙孟何家鈔翁○黃父之會令成周而不至故再會以令之至納公之謀特以宋衛之固請而及之其本志原不在此也朱朝瑛畧記○此必晉徵會諸侯如以爲謀納昭公則旣徵會以謀而何以士鞅又卻宋衛大夫之請邪且昭公與晉絕而託於齊晉必不爲納公之謀然則扈之會當爲成周

而宋衛因會以請納公而士鞅卻之也

張自超宗朱辨義

昭三十二年仲孫何忌會晉韓不信齊高張宋仲幾衛世叔申鄭國參曹人莒人薛人杞人小邾人城成周

左王使富辛石張如晉請城成周冬晉魏紆韓不信如京師合諸侯之大夫于狄泉尋盟且令城成周○諸侯不勤王室久矣當王室危弱之時而能安王室霸政之僅克舉者也

家鉉翁詳說

敬王蒙塵於狄泉者凡六年諸侯莫肯念亂晉不於是時仗大義以納王令諸侯而盟之方岳之下以同尊王室今天王既入成周乃欲以數雉之城而干尊周之名其爲惠何隘哉歷序十一國之大夫而城蕞爾之地亦足以見其小矣

趙鵬飛經筵

○自王

室亂敬王立八年而始爲成周之城非勤王之義且諸侯不親而以大夫共王事尤爲不臣也

黃仲炎通說

○王事之闕霸事之資

也子頹之覺齊霸以興叔帶之難晉霸以起猛朝之亂亦晉霸已衰而復振之機也成周之城合十一國以戮力於王室無敢違者自是而十年之後諸侯之戴晉者猶昔也無私要之會盟無相攻之侵伐而乘安輯雒京斥絕庶孽之後大會召陵問罪於楚雖以久相攜貳之陳蔡未賓服之頓胡亦牽帥以從而中國之勢較桓文而尤盛甚哉大義之在人心不可泯而鼓舞之權莫大於此也大書曰城成周序其績以見天下之綱維所繫之重也以頃定之懦也魏舒韓不信范鞅之鄙也一修勤王之節而天下景從之況大有爲於當世者哉

王介之四傳質

○歷序諸大

夫以城成周與歷序諸大夫以城杞無異則其勤王事猶之勤列侯之事而諸侯之視天王與列侯等

張自超宗朱辨義

定四年春公會劉子晉侯宋公蔡侯衛侯陳子鄭伯許男曹伯莒

子邾子頓子胡子膝子薛伯杞伯小邾子齊國夏于召陵侵楚

夏公及諸侯盟于皋鼬

左謀伐楚也晉荀寅求貨於蔡侯弗得辭蔡侯○諸侯欲治楚而不能也會十八國之衆天子大夫臨之盛矣以求貨而辭蔡晉失諸侯吳入郢自此始

劉敞傳

○召陵之會晉可以復伯而失

其機也蔡不勝楚之虐告於諸侯而請伐楚蔡陳鄭許頓胡皆服役於楚者也而皆與於會則病楚而歸晉也晉爲盟主上致劉子下合十七國之君齊桓之師不如是之盛也若能奉辭伐罪服楚而霸諸侯豈不多於齊桓召陵之功哉奈晉政已移於六卿六卿懼其君成功而權不及已故乞賂以離蔡假旄以賤鄭散諸侯之師而隳其君之功晉定制於其臣而不能進遂使救蔡伐楚之績歸於強吳此晉所以失諸侯而吳所以橫行上

國也吳主黃池之會自此始矣齊桓八國之師書曰伐楚盟于召陵紀齊桓之績也晉定十八國之師書曰會于召陵侵楚知晉定之無能爲也

策纂孫復高閔呂大主家鉉翁李廉余光

○是時晉楚之德相似

也其大夫用事而貪賄又相似也諸侯兩貳而楚侈無厭縣視與國至以一裘一馬拘唐蔡之君三年而後遣蔡昭侯於是赫然奮其讐恥之志指漢而誓沈玉而濟如晉請師晉請命於天子天子特使其老臨之大合十有八國之君其素屬於楚桓文之所不能悉致者而皆在於會可謂盛矣若能仗義而往則楚服而諸侯之散者復合其功豈不多哉而奈之何晉大夫皆隸材也求貨弗得遂辭蔡人潛掠楚境而還以伐號召而以侵終之春秋從其實書之亦不待貶絕而罪惡見矣

王樵輯傳

○齊桓不

戰而服楚書伐書屈完來盟于師盟于召陵晉定不能伐而空

還書侵書諸侯自盟于皋鼈

又○愚按此兵本是侵非伐漢氏張氏辨程子胡傳陋之日侵之說

見書侵門故以爲陋之鄙之者從刪

○晉自平邱之盟失人心更二十餘年無會

盟之事今蔡侯求刷其恥晉爲大合諸侯于召陵從役者十八

國前此未有也奈何晉政制於貪鄙之臣以利欲之私敗天下

之義諸侯解體吳於是時方有圖中國之志欣然投袂一戰勝

楚天下大權吳遂執之而中國之事去矣

黃仲炎通說

○陳止齋謂

是役劉子爲之劉子定內難復辟于周而楚納子朝故合諸侯

討楚

李廉會通

○晉以蔡人之請而謀伐楚其所以爲名必不專爲

蔡也楚納子朝故以王命討之而主劉子但諸侯皆有懈心王

師亦不能聲罪致討第侵之而已

朱朝瑛畧記

○此會也劉子在會

諸侯景從整旅而問楚人之罪討子朝之孽易於責苞茅順於

詰南征必可得志而功烈過召陵矣奈何以荀寅索賄失之

賀仲

賦歸

○楚昭繼平之昏亂而稚劣不君囊瓦黷貨虐小至以表

馬之故拘留唐蔡之君蔡憤如晉乞師晉請命於王王臣下臨而十七國一呼而集蓋人心同疾楚也楚已民心咸離屬國多叛吳復撓之晉能奉辭伐罪廓清南服功軼桓文矣奈晉卿懼其君威權復收必於勢家不利散諸侯以曠其功而固其私晉定昏庸莫能自主世未有內治不修而外威可立者也亦由悼平以來不謹操持以至此極耳劉子定王室之亂因晉請命而下會蓋有興王之志乎與會不與盟亦得王人下會之體惜權出於晉劉子不得行其志也明年王人殺子朝於楚則此舉不爲無功然晉謀楚無成此盟何爲哉

御纂直解

○此晉人之舉而

傳特書劉文公合諸侯何也晉受蔡愬而猶豫未決文公奉天子命激厲晉人檄召諸侯欲乘楚政亂臣貪之會以撻之大振

王靈併除子朝而十八國諸侯率師趨命主其謀者萇宏王室之定宏有功焉傳播私於萇宏一筆又插吾子欲復文武之畧以見斯舉宏實左右之也無如晉卿方爲分晉之謀以貨阻蔡以羽旄辱鄭迨晉師先歸諸侯皆散自此會後劉文賓志以歿晉伯已熄吳越主盟世變一大關鍵萇宏猶欲興周其志同於聖人而支天無益不出晉大夫所料也

姜炳璋讀左補義

○晉定侵

不遂徒手而歸恐爲諸侯笑而攜貳於已故特爲盟以申固

好乃荀寅之譎謀而晉定之懦志也

陳遷鶴紀疑

○會王臣合十八

國之諸侯桓文之伯未有盛於此者也久服於楚之蔡許時晉

時楚之陳鄭從未內屬之頓吳皆合志以來會附楚之國惡其

暴虐乘其衰弱求屬於晉正中國整頓之時而晉定不能有爲

爲可惜也

張自超宗朱辨義

○齊桓召陵之師會者八國晉文城濮之

師凡四大國而晉厲鄢陵之戰且獨勝楚今乃合十八國之諸侯凡舊屬楚者悉轉而從晉又臨以王人此可以滅楚而有餘乃竟以入郢之大功讓之強吳豈不可怪邪顧棟高大事表晉自平邱以後已不復能宗諸侯自平邱至召陵二十有四年僅有此三四會盟皆虛循故事而無勤王恤患之實是時六卿強而公室弱置中夏於不問以破楚入郢之大功讓之強吳致吳晉爭長黃池而晉自此如死灰之不復燃矣此世運之又一大變也又○趙陳汪葉說見書公會之下又書公及門

哀元年秋齊侯衛侯伐晉

晉爲霸主諸侯合兵伐之書以著中國之無伯也王道既盡霸統復亡春秋之變窮矣張洽集注引許翰○春秋之初諸侯無王者齊

鄭宋魯衛也春秋之季諸侯無伯者亦齊鄭宋魯衛也林堯叟注○

前此齊衛伐晉夷儀河內皆不書諸侯猶有所忌未成乎伐也
至是晉益衰無異於列國齊衛遂連兵伐之特書以著霸統之
絕王道盡而霸統復亡世變於是窮矣

日講
解義

讀隱桓之春秋而知王澤之竭也讀昭定哀之春秋而知伯烈之壞
也晉霸復盛於悼公浸衰於平昭而遂廢於頃定廢興存亡未有無
故而然者也或曰晉之微也有楚弗攘有吳弗抑二彊並立伯權遂
弱自召陵擁十八國之衆不能振旅至於戎蠻之執晉倪焉北面而
事楚以京師之禮自吳滅巢滅徐伐陳伐齊晉不能誰何迄乎黃池
之會吳哆然駕晉晉之失伯實吳楚之張也曰諸侯苟合吳楚豈能
間乎其端在諸侯之先貳當時齊景衛靈宋景之君其國皆強戮力
周旋何患於吳楚今也齊景公有抑晉代興之志宋衛魯鄭之君無
非攘臂以從齊者也蓋晉執行人叔孫婁與邾大夫坐而失魯執宋

仲幾樂祁犁而失宋涉佗成何詬衛而失衛荀寅辭蔡而失蔡假羽旄於鄭而失鄭是以齊得以盡取諸侯鄭則與齊盟于鹹會于安甫矣衛則與齊盟于沙次于五氏矣魯則與齊會于牽宋則與齊會于洮矣終而齊侯衛侯且伐晉矣則晉之失伯乃諸侯之離也曰晉國苟治諸侯安得背乎其原在大夫之先叛使諸臣如先朝之盡忠輔公何憂乎齊衛今也疆家多門各求封殖而削弱之禍獨歸宗國自趙鞅取衛貢五百家動晉陽之甲韓不信執宋命卿不顧踐土之盟自魏舒南面蒞政敢干位以命大事而趙籍魏斯韓虔爲諸侯之萌已成矣則晉之失伯乃大夫之擅也曰晉之禮義素明則大夫豈得擅乎利勝而義微此上下所以不奪不廢也范鞅請冠而魯使蒙執趙鞅受楊楮而宋卿賈禍邯鄲爭貢而三卿亂國或取季孫之賄而昭公不納或求蔡侯之貨而伐楚之師徒出或索十牢而吳人借爲

口實孟子曰上下交征利而國危矣晉伯之衰又誰咎歟此春秋所以謹義利之辨察天理人欲之分正君臣上下之位而示後世以防微杜漸反本澄源之道也

李琪
世紀

春秋屬辭辨例編

卷五

國公卿大夫

凡例

三

春秋屬辭辨例編卷五終

補晉悼論

晉厲無道鄭服於楚幸而有鄢陵之捷乃恃勝而驕亂自內作此楚所以輕晉也又納叛人以病宋未幾又侵之楚之讎宋以撓晉也悼公新立諸侯會圍叛臣就執宋乃定焉韓獻子曰成霸安疆必自宋始晉有成謀悼能復強而楚於是始挫然晉得宋易得鄭難者宋故屬晉鄭實屬楚也陳逼於楚久非晉有雞澤來盟晉亦輒爲陳動無何君又逃歸晉不復問急在宋鄭也夫楚人忿於鄢陵之敗欲肆其馮陵以報晉日逞兵於陳鄭之郊虎牢城而殺申陳叛而殺壬夫蓄怒強忍詎宜驟當其銳悼公不欲交其鋒也卷甲息民守之以靜彼出我還示之以怯以退爲進以不戰爲勇鄭服卽止未嘗驕武而霸成矣會鄢釋陳賢於齊桓之盟貫蕭魚服鄭易於晉文之勝楚天假之年功烈當倍惜年未三十而卒諡法誠可悼哉

馬駢釋史○馬說餘見前論

襄二十七年盟宋條下

弭兵美名也美名不可逆故一號而諸侯皆至焉是時魯衛宋曹從晉者也陳蔡鄭許從楚者也會分二主列國共屬是直以諸夏之權授之荆楚夫兵而可弭乎哉晉自夷儀再會諸侯多攜趙孟執政霸業浸衰兵不止則北方之勢漸急宋實首當其銳故向戌啓謀欲偃兵以紓難是舉也宋之志楚之利也以諸侯讓楚則兵不用楚計狡而晉謀疎向戌不悟也春秋痛諸姬之國皆服事於楚書公如楚書在楚以宗國而北面荆蠻自周公以來未之有也號之會楚仍先晉其爲盟主若固有之書盟宋所以痛其始書會虢所以痛其成旣而楚子會申晉人不出中國之事去矣宋前有華元而兩霸之端起後有向戌而兩霸之勢成宋誠晉之蠹兩臣誠宋之罪人哉

馬融
釋史